



*La penitence des Ninives fut agreable au Seigneur, & leur pardonna, la bonté duquel est tres-grande envers ses creatures.*

**I**ONAS fut fort affligé de grande affliction, & se courrouça, dont il pria le Seigneur, & dist: Seigneur, ie te prie, n'est-ce pas ce que ie disois quand i'estois encore en mon pais? Pour cette raison ie me hastay de m'enfuir en Tharsis. Je connois certainement que tu és Dieu clement, misericordieux, & patient, & de grande miseration, & que tu pardannes la malice. Aussi maintenant Seigneur, ie te prie que tu ostes mon ame hors de moy, car la mort m'est meilleure que la vie. Et le Seigneur luy dist, Penfes-tu que ton courroux soit bon? Lors Ionas sortit hors de la Cité, & s'assit contre la partie Orientale d'icelle, iusques à ce qu'il vist ce qui aduiendroit aux Ninivites. Et le Seigneur fit venir du lierre qui monta sur le chef de Ionas, afin qu'il fust à l'ombre, dont il fut grandement ioyeux. Mais Dieu fit venir vn ver le lendemain au poinct du iour, lequel vint à picquer le lierre, qui se secha; & Ionas en fut courroucé iusques à la mort: Mais le Seigneur le reprit, & luy dist, Tu as duëil sur le lierre auquel tu n'as point labouré, & qui est venu sans toy, & aussi est pery; & moy ne pardonneray-je pas à Ninive la grande, en laquelle il y a plus de six-vingt mille hommes innocens, & pénitens, & plusieurs bestes?

*Ionas 4. Chap.*